

雜藏經

言六

十二

餓鬼報應經

出雜藏經

失譯附東晉錄

尊者大目犍連從佛在耆闐崛山遊恒水邊見諸餓鬼甚多受罪不同見尊者目連皆起敬心來問因由一鬼問言我常苦頭痛不知何罪所致目連答言汝本爲人時不能修善以杖打衆生頭今受華報果在地獄一鬼問言我常患瘡痛何罪所致目連答言汝爲人時無有慈心焚燒山林殘害衆生今受華報果在地獄一鬼問言我舉身瘡爛痛不可堪何罪所致答言汝爲人時生燄猪羊今受華報果在地獄一鬼問言我食無有足時初不得飽何罪所致答言汝爲人時雖飯食衆生初不令足今受華報果在地獄一鬼問言我苦頭痛治之叵差何罪所致答言汝爲人時不敬道德加以罵辱今受華報果在地獄一

鬼問言我生男女皆悉端正而皆早死念之
斷絕何罪所致答言汝爲人時見兒殺生助
其歡喜共噉其肉殺故短命喜故痛毒今受
華報果在地獄一鬼問言我有一夫而畜多
婦我應直宿而不見納何罪所致答言汝爲人
時不敬夫主邪媚無禮今受花報果在地

獄一鬼問言我常頭痛而男根瘡爛何罪所
致答言汝爲人時於塔廟清淨之處行婬今
受華報果在地獄一鬼問言我得此身鹿澁
不淨何罪所致答言汝爲人時不尊有德輕
賤善人而以沙土櫬坌沙門今受花報果在
地獄一鬼問言我食不啻一斛而常不足何

言六

土三

罪所致答言汝爲人時本作比丘爲僧求物
而以自食今受花報果在地獄一鬼問言我
受此形脚腫項瘦何罪所致答言汝爲人時
使人及諸畜生負重無道今受花報果在地
獄一鬼問言我受此身常患熱渴何罪所致
答言汝爲人時喜好魚獵以所得魚投之沙

土令其苦死今受華報果在地獄一鬼問言
我受此身癡狂無知何罪所致答言汝爲人
時以酒施人今受華報果在地獄一鬼問言
我所生子皆反噉我何罪所致答言汝爲人
時不修孝養今受花報果在地獄一鬼問言
我食常吐何罪所致答言汝爲人時有人中
後索食者汝瞋罵而與今受報果在地獄一
鬼問言我今一生資財無乏而樂著弊故何
罪所致答言汝爲人時雖好布施施後尋悔
今受華報果在地獄一鬼問言我今一形恒倚
巷陌宿無常處何罪所致答言汝爲人時客
來投止而不安隱見他客止而復瞋罵今受
花報果在地獄一鬼問言我得此形非男非
女何罪所致答言汝爲人時而無慈心好捷
六畜今受華報果在地獄一鬼問言我得此
身躉不能行何罪所致答言汝爲人時好行
無道拘繫於人及以禽獸今不得行今受華
報果在地獄一鬼問言我此一身常患熱渴

行見恒河清涼甚好入中洒浴莫得涼樂以除熱苦方入其中舉身爛壞渴欲飲之一口入咽五臟焦爛肌肉離骨何罪所致答言汝爲人時好爲相師相人吉凶少實多虛或毀或譽自稱有德以動人心以求利養又於父母兄弟宗親誦偽不實今受華報果在地獄憂苦叵言說不可盡也一鬼問言我受身已來常有一狗體大牙利兩目赫赤晝夜常來而噉我身命未盡頃肉便復生復受此苦痛不可堪忍何罪所致答言汝爲人時作天祀主於天祀中取牛羊血以祀於天自食其肉語衆人言汝等祠祀大得吉利作惡邪罪以

言六

古

令不復來即取鉢盛屎著下以飯覆上持與道人得已還至本處持著一面淨酒手訖坐而執鉢取飯食之鉢中不淨臭不可近以是因緣受此臭惱今受華報果在地獄當吞鐵丸身體爛壞苦不可言一鬼問言我受此身處處舌出有自然斧而斬截之如是無數何罪所致答言汝爲人時作小道人爲僧所差取清淨水作石蜜漿分與衆僧石蜜堅大打取少許而盜食之一口盜僧物故今受華報果在地獄吞於洋銅苦不可說一鬼問言我受此身常苦飢餓往至廁上欲取屎食廁上有大力鬼以杖打我初不得近何罪所致答言汝爲人時曾作道人爲佛圖主慚護僧物不以好食供養衆僧常以鹿惡與之或時欲作好食見客比丘來便止不作待去乃設惡心憚惜今受華報果在地獄一鬼問言我受此身腹大如瓮餘身分皆小咽如針孔不得下食何罪所致答言汝爲人時作聚落主自

恃豪強欺凌人民常以無道索人飲食以苦百姓今受華報果在地獄一鬼問言我受此身肩上有銅瓶滿中洋銅手捉一杓以酌取之自灌其頭舉身焦爛如是無數苦痛無量何罪所致答言汝爲人時出家修道知僧飲食取一酥瓶藏著餘處道人來而不與之

客去出酥瓶行與舊僧此酥是招提僧物一切有分以隱匿僧物與不平等以是因緣得如是苦今受華報果在地獄苦痛難計一鬼問言我受此身常有人來持諸刀鋸剥刺我身又破我腹出其五藏肉盡筋斷痛不可忍受須臾之間肉生平復尋復來割何罪所致

答言汝爲人時作婆羅門不信正法常生邪見奉事天神恒以牛羊禱祀以是罪故今受此苦此是華報果在地獄一鬼問言我受此身常有人來持諸刀鋸割剥我身又破其腹出其五藏肉盡筋斷苦切巨忍須臾之間肉生平復尋復來割何罪所致答言汝爲人時

常作魁牘主知殺人無有慈心歡喜行之有如是罪得此苦痛今受華報果在地獄一鬼問言我受此身兩腋下恒有熱鐵輪行時輪轉火熱逼身兩腋下焦爛何罪所致答言汝爲人時出家學道與僧種種餅僧未下食汝時貪心盜取僧餅藏著腋下屏處食之以是

因緣得如是苦今受華報果在地獄受苦難量一鬼問言我受此身常有自然赤鐵丸從空中下入口至腹或左出右入右出左入舉身焦爛無量何罪所致答言汝爲人時出家爲沙彌爲僧煮菴羅果僧中行之至和上前長與七枚以是因緣故得惡苦今受華報果在地獄一鬼問言我受此身意欲行來發動迴還猶如旋風初不得前愁惱悶苦不可稱計何罪所致答言汝爲人時作卜問師詭詐他人令心幻惑或喜或怖皆不真實由此因緣得如是惡今受華報果在地獄一鬼問言我受此身內常有熱猶懷湯火復來燒煮苦

言六

十六

痛萬端何罪所致答言汝爲人時作國王第一夫人時王偏敬小夫人汝常生嫉心作惡方便求欲殺之伺其卧時煮酥令熱注著腹上其人得此苦痛無量遂致命終由是因緣得如是苦今受華報果在地獄一鬼問言我受此身性多恐怖常畏人來收閑繫縛加諸

楚毒初無歡心何罪所致答言汝爲人時好行邪姪犯人婦女常畏發覺心不自寧今受華報果在地獄或卧鐵牀或抱銅柱如是之罪不可稱計一鬼問言我受此身自然熱鐵而有籠網纏絡我身燒熱熾爛痛毒叵言何罪所致答言汝爲人時常持罟網殺諸魚獸

籠取飛鳥以是因緣得如是苦切今受華報果在地獄一鬼問言我受此身無有手足如一段肉在於曠野狐狼虎豹鷙鷺衆鳥覬來搏撮爭共食之苦痛叵言何罪所致答言汝爲人時作惡方便若己若他妊娠之時即使與藥令胎消化由是因緣得如是苦今受華

報果在地獄又三鬼一時來問言我受此身常有鐵釘從空中下釘我身上入肥皮骨痛毒徹髓何罪所致答言汝爲人時一人作馬師一人作牛師一人作象師苟貪他財鍼刺無道使受痛苦而不除痛由是因緣得如是苦今受華報果在地獄一鬼問言我受此身

無有頭首眼耳鼻口盡在脣前何罪所致答言汝爲人時若見殺人與之捉頭歡喜而挽無有慈心由是因緣得如是身今受華報果在地獄目連答諸鬼已皆生敬心走前懺悔目連見其歡喜更爲說法諸鬼聞已皆大歡喜

十七

言六

餓鬼報應經

鬼問目連經

杖打下音 飯銅下音 瓢於真反 咽音 煙赫許反 客獵
良輒杓時若烹殺上及遭音 遭槽三牲下音 灌灑
下所馬反 胡郭反

雜藏經

莫溷胡因反粗才古

逕詣上古定反 字塗漫官反

溷正作溷粗才古

巨	反	我	斧	斫	上音甫	下音梅	實	長	下音丈	音腋
既	胡帖	愛	胡帖	既	若反	苦回反	既	胡帖	既	亦
朽	反	一	反	一	音貫	古會反	挽	晚音	伺	相
遇	上音莫	敗	反	九	反	反	晚音	伺	寺	既灌
渠	渠	反	腐	父音紩	正作紩	反	晚音	伺	既灌	古
禪	禪	反	腐	父音紩	正作紩	反	晚音	伺	寺	既灌
位	上音時	時	紩	力結	七	反	晚音	伺	既灌	古
沙	沙	上音瓶	瓶	脆	七	反	晚音	伺	寺	既灌
綻	綻	反	槌	勤	歲	反	晚音	伺	寺	既灌
統	統	反	鍾	勤	歲	反	晚音	伺	寺	既灌
遙	遙	上音阮	阮	追	反	貲輸斯反	晚音	伺	寺	既灌
綻	綻	下音延	延	追	反	貲輸斯反	晚音	伺	寺	既灌
月	月	氏	氏	追	反	貲輸斯反	晚音	伺	寺	既灌
氏	氏	支	支	追	反	貲輸斯反	晚音	伺	寺	既灌

餓鬼報應經

惄 反似廉 困 差 上定 我 反塗 蒲悶 不啻 下音項
癢 下 廉字 猥 居 反 捷 言 瓚 反 必 亦 刀鋸 下 音刺
亦 反 長 上 去 鴟 驚 下 音 彤 摶 摶 上 音 博 角 反
鍼 刺 林 反 妊 姬 失 身 反 孕 也 上 而 禁 反 下
下